



古今事文類聚

後集  
七之九

~~98~~  
~~26~~

道通文庫  
文庫6  
28  
26





新編古今事文類聚後集卷之七

建安 祝穆 和父 編

建業 唐富春 子和 梓

人倫部

# 無子

喪子 立嗣 並附

群書要語不孝有三無後為大離婁老而無子曰獨梁惠內無

應門五尺之童李密表

詩句中郎有女能傳業伯道無兒可保家韓

喪子汝目汝面在吾眼旁韓祭女孥文

詩句傷心自嘆鳩巢拙長墮春雛養不成自愁淚隨心進自

事文類聚後集

卷之七

立嗣螟蛉之子。殫而逢螺贏。祝之曰：類我類我，又則肖之矣。子揚

古今事實

無子無憂

商瞿年老無子。其母為取室。孔子曰：無憂。瞿年四十後當有子。丈夫已而果然。

老而無子

楚靈王聞群公子之死，自投於車下。曰：人之愛其子亦如子乎。侍者曰：甚焉。小人老而無子，知擠於溝壑矣。

子自晚生

梁鱣年三十未有子。欲出其妻。商瞿曰：吾恐子自晚生耳。未幾妻之，過鱣從之，二年而有子。並家語

不可無後

王思子文之治楚國也。曰：子文無後，何以勸善，使復其所改命。曰：生宜四。成季之勲，宜孟之忠，而無後為善者懼矣。成人不可獲，恭叔無後於鄭。莊十六

若敖氏鬼見課子門

多女無男

齊太倉令淳于公無子。有女五人，有罪當刑。罵曰：生女不生男，緩急非所益。其幼女緹縈自傷，泣上書，願沒入為官婢，以贖父罪。書奏，文帝憐之，除肉刑。

無子改娶

陵穆子娶妻，五年無子。父母欲其改娶，其妻聞之中夜悲嘯。陵

穆子感傷而作別鶴操韓文

無子依人

樓護字君卿故人呂公無子而歸護護養之終其身

伯道無兒

鄧攸字伯道後石勒過泗水攸以牛馬負妻子而逃遇賊掠其牛馬步走擔其兒及弟子緩度不能兩全乃謂其妻曰吾弟早亡惟有一息理不可絕止當自絕我兒耳幸而得存我後當有子妻泣而從之乃棄之其子朝棄而暮及明白攸繫之於樹而去後妻不復孕過江納妾甚寵之訊其家屬說是遭亂憶父母姓名乃攸之甥攸素有德行聞之感恨遂不復畜妾卒以無子時人哀之為之語曰天道無知使鄧伯道無兒

贊曰攸棄子存姪以義斷恩若力所不能自可割情忍痛何至預加微墨絕其奔走者乎斯豈慈父仁人之心也卒以絕嗣宜哉勿謂天道無知乃有知矣

喪子喪明以下係喪子

子夏喪其子而喪其明曾子弔而怒之曰喪爾子而喪其明爾罪二也子夏投其杖而拜之曰吾過矣

子死不憂

魏人有東門吳者年四十有二子喪之而不憂其相室曰公之愛子也天下無有今子死而不憂何也吳曰吾嘗無子之時不憂今子死乃與向日無子同吾何憂焉列子

老牛舐犢

事文類聚卷之六

後漢王彪位至太尉彪見漢祚將終稱脚躓不復行積十年後子脩為曹操所殺操見彪問曰公何瘦之甚答曰悔無日碑先見之明猶懷老牛舐犢之愛操為改容

鍾情幼子

王衍嘗喪幼子山簡弔之衍悲不自勝簡曰懷抱中物何至於此衍曰聖人忘情最下不及情然則情之所鍾正在我輩簡服其言更為之慟

恨其死晚

郝超字嘉賓將亡出其所與桓温密謀之書一篋囑其門生曰若家君眠食太減即出此書方回見之曰是子死已晚矣乃不復念

天下痛心

王愆期謂陶侃曰賢子越騎酷沒天下為公痛心况慈父乎世說

不忍開篋

王道還臺其子悅未嘗不送又為篋歛箱篋中物悅亡道還臺至常送處哭之至臺其母封篋不忍開之

神奪其子

王道子悅為中書郎先道卒道先夢人以百萬錢買悅潛為祈禱者備矣尋掘地得錢百萬意甚惡之一一皆藏閉及悅疾篤道憂念特至不食積日忽見一人形狀甚偉被甲持刀導問是何人曰僕將侯也公兒不在欲為請命故來耳導因與之食食至數斗食畢謂導曰中書命盡非可救也言訖不見悅隨殞絕

事類彙編卷之七 德壽堂梓

心疑計至

豫章太守顧邵，痛之子也。在郡卒，雍時盛集賓客，自與宴，暴而讀，至無兒書，雖神色不變，而心了其故，以爪指掌，流血沾襟，客散方歎，已無延陵之高，豈有喪明之痛。世說

瘞於路側

潘岳西征賦曰：天赤子於新安，坎路側而瘞之。注：岳子以三月生，五月天六十餘日也。

以姪孫為後係立嗣

白樂天無子，以姪孫阿新為之後。墓誌

古今文集

律詩

白蘇州寄詩有歎早白無兒之句，因以贈之。

劉禹錫

莫嗟莖髮與無兒，却是人間久遠期。雪裏高山頭白早，海中仙菓子生遲。干公必有高門慶，謝守何煩曉鏡悲。幸免如新分非淺，祝君長詠夢熊詩。

古詩 以下係喪子

東野連產三子，不數日數失之，幾老念無後，以悲友入韓愈推天假其命以喻之。

鴟梟啄母腦，母死子始蕃。蝮蛇生子時，坼裂腸與肝。好子雖云好，未還恩與勤。惡子不可說，鴟梟蝮蛇然。有子且勿喜，無子固勿歎。

事文類聚後集

卷之七

四

德壽堂梓

律詩

喪子崔兒

白居易

書報微之晦叔知欲題崔字決先垂文章十帙官三品身後傳誰庶陰誰

哭邢惇夫

黃魯直

詩到隨州更老成江山爲助筆縱橫眼看白壁埋黃壤何況人間父子情

吟白君哭崔兒詩悽然寄題

劉禹錫

吟君苦調我霑纒能使無情盡有情四望車中心未釋千秋亭下賦初成庭梧已有雛棲處池鶴今無子和聲從此期君比瓊樹一枝吹折一枝生

亡女生日感懷

戴叔倫

五逢醉日今方見置爾懷中自惘然乍喜老身辭遠役翻悲一笑隔重泉欲教針線嬌難解暫弄琴書性已便還有蔡家殘史籍可能分付外人傳

詩話

瘞女作詩

韓昌黎貶潮州時小女道死瘞之層峰驛之下題詩驛梁云數條藤束木皮棺草殮荒山白骨寒

祖孫

諸孫附

群書要語

鼻祖

見宗族注

無忝爾祖

繩其祖武

下武續茂祖

事文類聚

卷之七

五

德壽堂

考為民子之子為孫孫之子為曾孫曾孫之子為玄孫玄孫之子為來孫來孫之子為曷孫曷孫之子為仍孫仍孫之子為雲孫注輕遠如浮雲也爾雅仍漢書作耳應邵曰耳孫者元孫之子也言其去高曾益遠但耳聞之也惠紀注

**古今事考** 却超放鑒似無孫坡

祖孫並相

伊尹相湯伊陟相太戊

召公是似

召康公奭十六世孫召穆公虎佐宣王平淮夷故江漢之詩曰文武受命召公維翰無曰予小子召公是似

孔孫中庸

孔子之孫子思作中庸

祖孫移山

北山愚公年且九十面山而居懲山北之塞出入之迂也遂率子孫荷擔担石墾壤箕畚運於北海之尾河曲智叟笑而止之愚公長息曰我之死有子存焉子又生孫孫又生子子又生孫子子孫孫無窮匱也而山不加增何苦不平于是河曲智叟無以應之列子

三世惡始彰

左氏傳秦伯問士鞅曰晉大夫誰先亡對曰其欒氏乎厲汰虐已甚猶可以免其身禍在盈也欒厲死盈之善未能以及入武



子所施沒矣而厭惡之惡實彰將于是乎在後晉果滅欒氏應劭曰晉大夫欒書書于厭厭子盈書賢而覆厭厭惡而害盈曹大家曰天命佑善必惡非有差也然其道廣大雖父子百葉猶若一體也

在其子孫

陳厲公生敬仲其少也周史有以周易見陳侯者陳侯使筮之曰此遇觀之否曰是觀國之光利用賓於王其代陳有國乎不在此其在異國不在其身在其子孫光遠而自他有耀者也其後陳桓子成得政於齊

不食不訓

石奮歸老於家子孫為小吏來歸謁必朝服見之不名子孫有

過失不諂諛為便坐對案不食諸子相責肉袒謝罪迺許子孫勝冠者在側雖燕必冠申申如也

皆以學顯

董仲舒子及孫皆以學成至顯官

封蕭何孫

漢武帝元狩元年封故鄼侯曾孫為鄼侯

賈誼有孫

賈誼之孫賈嘉

不以產業

有祖風

李廣有孫陵為侍中善騎射愛入下土帝以為有廣之風後降

虞隴西之士以為深耻

遺以清白

楊震性廉子孫嘗蔬食步行或勸之開產業震曰使後世稱為清白吏子孫以此遺之不亦厚乎 靈帝謂楊震孫奇曰卿強頂真楊震子孫

遺之以安

龐公未嘗入城府夫妻相敬如賓劉表候之龐公釋耕隴上而妻子耘於前表指而問曰先生苦居畎畝而不肯官祿後世何以遺子孫龐公曰世人皆遺之以危今獨遺之以安雖所遺不同未嘗無所遺也表嘆息而去

嗣守為難

陳寔字仲弓子紀字元方諱字季方父子並著高名至孫穉在魏領丞相荀淑字季和荀卿十一世孫有八人時謂八龍而慈明無雙至孫或從魏太祖太祖曰吾之子房

朱文公贊云群既附曹或亦忘漢嗣守之難今古共嘆

分其子孫

王羲之牽諸子抱弱孫一味之其割而分之以娛目前

玄有靈蓮

謝靈運祖玄晉車騎將軍父喚生而不慧早亡靈運幼穎敏玄甚異之謂親知曰我乃生喚喚兒何不及我喚乃生靈運靈運幸過喚

祖奇此兒

事文類聚後集 卷之六 德壽堂

衛玠年五歲風神秀異祖父璿曰此兒有異於眾顧吾年老不見其長成耳

陶公遠祖

陶潛侃之孫詳見祖父門

祖以硯與見年齒門

因石思祖

薛元超轉中書舍人省中有盤石祖道衡為侍郎時嘗擬以草制元超每見之輒泫然流涕

子有佳兒

許敬宗孫彥伯昂子也頗有文敬宗晚年不復下筆凡大典冊悉彥伯為之嘗戲昂曰吾兒不及若兒對曰渠父不知昂父世

說張蒼梧張憑之祖也嘗語其父曰我不如汝憑父未解所以

蒼梧曰汝有佳兒憑時年數歲歛手曰阿翁詎直以子戲父

發明祖書

姚瑛始曾祖蔡嘗著漢書訓纂而後之著漢書者多竊取其義為已說瑛著紹訓以發明舊義

不辨群孫

後周李遷哲嘗除真州刺史即本州也遷哲妾媵百數男女六十九人綠道十餘里第宅相次姬媵之有子者分處其中遷哲鳴笳導從往來其間縱酒歡燕子孫參見或忘其年名披簿以審之汾陽郭子儀諸孫數十人每問安不盡辨領之而已

喜有曾孫

周蕭愿梁宰相順之子曾祖微唐僖宗朝入相接客之次原為  
兒童戲効博呼之聲微語諸客曰余不敢以得位為喜所幸者  
壽考今又有曾孫在吾目前

祖孫宰相

李栢筠之子吉甫其孫德裕

祖孫名將

馬璘讀馬援傳至丈夫當死邊野慨然曰使吾祖動墜地下乎  
卒為中興名將

祖笏猶存

唐文宗以右拾遺魏謩徵之裔孫頗奇之謩累諫轉起居舍人  
紫宸中謝上曰鄉家有舊書品不對曰比多失墜雁簪笏存上

曰進來鄭覃曰在久不在笏上曰覃不鮮朕意此其崇之義非  
笏而已宣宗嘗曰真名臣孫有祖風朕心憚之替曰其登之議  
論挺挺有祖風烈

見其三世

韓愈撰殿中少監馬君墓誌曰始余初冠應進士貢在京師窮  
不能自存以故人稚弟拜北平王燧於馬前王問而憐之因得  
見於安邑里第王軫其饑寒賜食與衣召一子使為之主嘗是  
時見王於北亭猶高山深林龍虎變化不測傑魁人也退見少  
傳即其子暢翠竹碧梧鸞鶴傳時能守其業者也姆抱幼子立  
側眉眼如畫髮漆黑肌肉玉雪可憐娟好靜秀瑤環瑜珥蘭芷  
其茅穡其家兒即殿中少監鳴呼吾未耄自始至今未四十年

而哭其祖子孫三世於人世何如也

古今文集

雜著

誠子孫訓

柳玘

夫門地高者，一事墜先訓則異它人。雖生可以苟爵位，死不可見祖先。地下門高則自驕，族盛則人窺嫉。實難懿行人，未必信織琅微累，十手爭指，脩已不得不至，為學不得不堅。士君子生於世已無能而望他人用已無善而望他人愛，猶農夫鹵莽種之而怨天，溼不潤，雖欲弗餒可乎。余幼聞先公僕射言，立已以孝弟為基，恭默為本，畏法為務，勤儉為法，肥家以忍順，保安以簡恭。廣記如不及求，名如儻來，遊官則廉已省事，而後可以言。

家法家法備然後可以言養入，直不近禍，廉不沽，多憂與禍不循，潔與富不並。董生有言，帝者在門，賀者在間，言憂則恐懼，恐懼則福至。又曰，賀者在門，弔者在間，言受福則驕奢，驕奢則禍至。故世族遠長與命，位豐約不假，問龜者星數在處，心行事而已。先君兄弟三人俱居清列，非速客不一羹，鹹食蔬，葡萄而已。皆保重名於世，各門右族，莫不由祖考忠孝勤儉以成立之。莫不由子孫頑率奢傲以覆墜之。成立之難如升天，覆墜之易如燬毛。余家本以學識禮法稱於士林，夫行道之人，德行文學為根株，正直剛毅為柯葉，有根無葉，或可俟時，有葉無根，膏雨所不能活也。至於孝慈友悌忠信篤行，乃食之醢醬，可一日無哉。

戒子孫

邵堯夫

上品之人不教而善。中品之人教而後善。下品之人教亦不善。不教而善，非聖而何？教而後善，非賢而何？教亦不善，非愚而何？是知善也者，吉之謂也。不善也者，凶之謂也。吉也者，目不觀非禮之色，耳不聽非禮之聲，口不道非禮之言，足不踐非禮之地。人非善不交，物非義不取。親賢如就芝蘭，避惡如畏蛇蝎。或曰：不謂之吉人，則吾不信也。凶也者，語言詭譎，動止陰險，好利飾非，貪淫樂禍，疾良善如讎隙，犯刑憲如飲食。小則殞身滅性，大則覆宗絕祀。或曰：不謂之凶人，則吾不信也。傳有之曰：吉人爲善，惟日不足；凶人爲不善，亦惟日不足。汝等欲爲吉人乎？欲爲凶人乎？

家訓

蘇子瞻

漢郝曼容戒子孫，仕不過六百石，郎官謂者不爲顯。吾尚以爲過汝等，但能守家法，傳家學，貧不免仕官，則循資格於吏部，注擬差遣，雖筭庫亦可以無愧矣。

諸父

姪附

群書要語：既有肥羜，以速諸父。疏：伯父、叔父、父之昆弟、先牛爲世父，後生爲叔父。爾雅：父之從父昆弟爲從祖父。同上。伯把也。把持家政也。父弟爲仲，仲中也。位在甲也。仲父之弟曰叔父，叔少也。叔父之弟曰季，季癸也。甲乙之次，癸在下也。釋名：姪，兄弟之子，猶子也。蓋引而進之。檀弓：姪對姑而言，今人於伯叔父前皆以爲猶子。蓋記禮者，主喪服言。如夫子謂回也視予。

猶父若以姪謂之猶子則亦當以先生為猶父矣漢人謂之從子却得其正蓋伯叔皆從父也 朱語錄

**詩句** 令嗣才俊茂 杜逸常評事 嗣宗諸子姪早覺仲容賢 杜旋

看蠟鳳戲僧虔 東坡寄三僧子 君家自與竹林齊 坡和劉原父

**古今事實**

說以日飲

爰盎為吳相兄子種說以日飲無何

叔姪掛冠 見致仕門

已子兄子

後漢第五倫字伯魚或問倫有私乎曰余兄子嘗病一夜十起退而安寢余子有病雖不省視而過夕不寐若是可謂無私乎

**伯姪分財**

薛苞弟子求出苞不敢止乃中分其財奴婢引其老病者曰與我共事父若不能使也田盧取其荒墳者曰吾少時所治意所戀也器物取其朽敗者曰我服食父身口所安也

失愛叔父

曹操小字阿瞞少無度叔父數言之於嵩 操之 操患之逢叔父於路乃陽敗面喞口叔父以告嵩嵩呼操曰叔父言汝中風已差乎操曰初不中風但失愛叔父故見問耳後叔父有所告嵩不復信操始肆意

叔姪並遊

阮咸字仲容任達不拘與叔籍為竹林之遊南阮富北阮貧

携子姪遊

謝安字安石於東山營墅樓館林木甚盛每携中外出姪往來遊集肴饌亦屢費百金世頗以此譏焉而安殊不以屑意

庭階芝蘭

謝玄與從兄朗為叔父安所器因戒約子姪曰子弟亦何豫人事而正欲使其佳玄曰如芝蘭玉樹欲使生於庭階耳

舉姪督軍

謝安兄子玄有經國才略時苻堅數侵寇安乃舉玄為前鋒戰于淝水苻堅餘衆棄甲宵遁聞風聲鶴唳以為王師至

叔焚香囊

謝玄少時好佩紫羅香囊叔父安患之而不欲傷其意因戲賭而焚之於是遂止

杖姪設饌見飯燕門

棄子全姪

魏張範子陵及弟子散為山賊所得範直詣賊請一子賊以陵還範範謝曰諸君相還兒厚矣夫人情雖愛其子然吾憐賊之小請以陵易之賊義其志悉以還範此與伯道無兒類詳見無

阿大中郎見婚姻門

姪千里駒

符朗堅從兄子也堅嘗見之曰吾家千里駒

鞠愛其姪



桓宣武温薨桓南郡玄冲之姪十五歲始除桓車騎與送故文武別冲因指語南郡此皆汝家故吏佐玄應聲慟哭酸感桓車騎每自且已坐曰靈寶玄小成人當以此坐還鞠愛過於所生撫育孤姪

謝幾卿家門篤睦兄才卿卒子早孤幼幾卿撫育甚厚及長皆幾卿獎訓之力

伯文稱美

王臺晉與兄弟會集諸子孫任其戲適僧度採蠟珠為鳳凰伯父獨稱其美

臣叔不癡

王湛初有德德人莫能知兄弟宗族皆以為癡兄子濟輕之嘗

詣湛見床頭有周易濟請音之因剖析玄理微妙有奇趣嘆曰家有名士三十年而不知濟去叔送出門濟從騎有二馬難乘無能騎者請騎之回策如素濟益嘆其難測既還渾問濟何以暫行累日曰始得一叔渾問其故具嘆述如此渾曰何如我齊曰濟以上人武帝每見濟輒以湛調之曰卿家癡叔死未濟對曰臣叔殊不癡具稱其美

乞封叔父

魏王基封安樂鄉侯上既求分封二百戶賜叔父子喬爵闕內侯以報叔父詔特聽之

請封兄子

唐魏徵以養五禮當封一子縣男徵請封孤兄子叔慈帝愴然

唐魏徵以養五禮當封一子

縣男徵請封孤兄子

叔慈

帝愴然

曰此可以勸俗耶許之

伯父見奇

柳公綽始生之日伯父子華曰與吾門者此見也因少字起之

自乳兄子

元德秀兄子襁褓喪親無資得乳媪乃自乳之數日渾流能食乃止

薦姪可用

呂文穆公蒙正致政居洛真宗祀汾陰過洛幸其宅問曰卿諸子孰可用公對曰臣諸子皆豚犬不足用有姪夷簡任潁州推官宰相才也帝記其言遂至天用蓋文靖公也聞見錄

奏兄子官

陳忠肅公瓘兄弟友愛伯氏異世公撫恤其孤初奏郊恩捨己子而先伯父之子及後賈賁以至終身諸子皆白衣未嘗有不滿之意遺事

古今文集

雜著

誠兄子書

馬援

吾欲汝曹聞人過失如聞父母之名耳可得而聞口不得言也好議論人長短妄是非政法此吾所大惡也寧死不願子孫有此行也龍伯高敦厚周密口無擇言謙約節儉廉公有威吾愛之重之顧汝曹效之杜季良豪俠好義憂人之憂樂人之樂清濁無所失父喪致客數郡畢至吾愛之重之不願汝曹效之效

事文類聚後集

卷之七

十六

德壽堂

伯高不得猶為謹勅之士所謂刻鵠不成尚類鷲效季良不得  
陷為天下輕薄子所謂畫虎不成反類狗者也

范文正公與姪帖

三郎官人昨得書知在官乎善此中亦如常只是純祐未全安  
汝守居須小心不得欺事與同官和睦多禮有事只與同官議  
莫與小人商量莫縱鄉親來部下與賅自家且一向清心做官  
莫營私利汝看老叔自來如何還曾營私否自家好家門各為  
好事以光祖宗頌寄書來言彼動靜將息將息不具叔報

右范文正公與其兄子之書也其言近而易知凡今之仕  
者得其說而敬守之亦足以檢身而及物矣然公所自請  
未嘗營私者必若公之先天下之憂而憂後天下之樂而

樂然後為能克其名實而其所論親僚友以銷壅蔽之萌  
明禁防以杜文私之漸者引而伸之又非獨勸一官之守  
者所宜知也侯官大夫陳君焯得公此帖刻真坐隅以自  
警其蓋三復焉而嘆其指之遠而不可窮也敢竊識其  
談於左方庶幾覽者有以發焉年月日新安朱某謹書

司馬文正公與姪帖

叔五月二十三日到京與八哥哥以下俱安八哥哥飲食起居  
甚健殊不似去年在鄉里時不用憂得光近蒙聖恩除門下侍  
郎此皆祖考餘慶家門厚福致茲忝竊誠為多幸然光素無才  
能加以衰老又在沉散絕望顯榮一朝陞擢出入意表舉朝之  
人悉非舊識逆見忌嫉者何可勝數而獨以愚直之性處於其

間如黃葉在烈風中幾何其不危墜也是以受命以來有懼而無喜汝輩當識此意倍須謙恭推讓伏窮於人不可恃賴我聲勢作不公不法攪擾官方侵凌小民使為鄉人所厭苦則我之禍皆起於汝輩如曹侍中兒帶累曹侍中貶隨州自縊歟也且當共相愛惜我身若危則汝輩亦不如人也我待牒縣令榜街市豫先約束汝輩所以曲相保全使不陷於刑法且莫雍也時熱且各好自將息叔報五通直以下六月二日

易之家人以勿恤為相愛老子謂慈故能勇可馬文正所以訓約其家者峻厲嚴密凜乎其不可犯此慈愛之至也

王山汪應辰書

古詩

冬至日示小姪阿宜

杜牧

小姪名阿宜未得二尺長頭圓筋骨緊兩臉明且光夫生學字官人竹馬逸四厥指揮群兒輩意氣何堅剛今手始讀書上口五行隨兄且父去歛手整衣裳去歲冬至日拜我立我旁祝爾爾爾貴仍且壽命長今年我江外今日生一陽憤爾不可見祝爾傾一觴陽德比君子初生甚微芒排陰出九地萬物隨開張一似小兒學日就復月將勤勤不自已二十能文章仕官至卿相致君作堯湯我家公相家叙佩常丁當舊第開朱門長安城中央第中無別物萬卷書滿堂堂集二百編上下馳皇王多是撫州寫今來五紀強尚可與汝讀助爾為賢良經書刮根本史書閱興亡高摘屈宋艷濃薰班馬香李杜泛浩浩韓柳摩蒼蒼

事類彙編

卷之七

七

卷之七

近者四君子。與古爭強。染顏汝一祝後。讀書日日忙。一日讀十紙。一月讀一箱。朝廷用文治。大開官職場。願爾出門去。取官如驅羊。吾兄苦好古。學問不可量。書居府中第。夜歸書滿床。後貴有金玉。必不為爾藏。崔昭生崔去。李兼生窟郎。堆錢一百屋。破散何披猖。今雖未即死。餓凍幾欲僵。秦軍與縣尉。塵土驚動勳。一語不中治。皆垂身滿瘡。官罷得絲髮。好買百樹桑。錢未輸足。得米不敢嘗。願爾聞我語。惟喜入心腸。大明帝官闕。柱曲我池塘。我若自潦倒。看爾爭翱翔。總語諸小道。此詩不可忘。

此篇視符讀書城南之作尤淺陋矣姑錄之以為世戒

蘇子由已卯生坡號為卯君生子名虎兒坡諺云

舊聞老蚌生明珠未育老兔生於菟老兔自謂月中物不騎快

馬駝蟾蜍蟾蜍爬沙不肯行生令青衫生白髮於菟駭猛不類渠指揮黃熊駕黑龜丹砂紫麝不用塗眼前百步走妖狐玄猿莫誇智有餘不勞猛豕咀爾徒

律詩

送王牧往吉州謁王使君叔

李嘉裕

細草綠汀洲王孫耐薄遊年華初冠帶文體舊弓裘野渡花爭發春塘水亂流使君怜小阮應念倚門愁

送姪孫隨乃父知命舟行

山谷

莫失沙邊學釣魚莫將百丈作轆轤清江濯足江上坐燕于日長宜讀書

詩話

退之姪

退之謹云阿買不識字頗知書八分詩成使之寫亦足張吾軍  
或問山谷阿買是何人山谷云退之姪必有所據而云耳又有  
示姪相詩詳見牡丹門

譽子姪

牧之譽阿買其義山譽蒙師其後二子皆無聞

新編古今事文類聚後集卷之八

建安 祝穆 和父 編

建業 唐富春 子和 梓

人倫部

兄弟 兄弟俱貴 從兄弟 義兄弟 並附

群書要語兄荒也荒大也弟第也相次第而生也釋名此令兄  
弟綽綽有裕不令兄弟交相為喻解弓棠棣之華鄂不韡韡凡  
今之人莫如兄弟 死喪之威兄弟孔懷原隰哀矣兄弟求矣  
脊令在原兄弟急難每有良朋况也永嘆 兄弟鬩于牆外  
禦其侮每有良朋烝也無戎 喪亂既平既安且寧雖有兄弟

不如交生，儻爾違直飲酒之飲，兄弟既具和樂且孺，妻子  
好合如鼓瑟琴，兄弟既翕和樂且湛，宜爾室家樂爾妻孥，是  
寃是圖，置其然乎。棠棣伯氏吹篪，仲氏吹埙，何人斯叔兮伯兮，  
俱子和女，鐘兮。豈無他人，不如我同父。杖杜終鮮兄弟，謂他人  
昆，揚之水，陟彼岡兮，瞻望兄兮，兄曰嗟予弟行役，陟岵，兄及弟  
矣，式相好矣，毋相猶矣。斯干宜兄宜弟，令德壽豈。蓼蕭惟孝友  
于兄弟，施于有政。君陳兄弟睦家之肥也。禮運兄之齒，雁行王  
制，敬其兄則弟悅。孝經兄弟雖有小忿，不廢懿親。左兄弟天倫  
左襄二惠競爽，猶可又弱一介焉。左叔出季處，昭元兄弟怡怡  
語十三。紛兄之臂而奪之食，不紛則不得食，則將紛之乎。告子  
吾弟則愛之，秦人之弟則不愛也。同上。兄愛而友，弟敬而順。晏

子誰無兄弟如手如足 李華戰場文

詩句 一欣侍溫顏再喜見友手 陶華萼相光飾瓔鳴悅同響 謝

靈運 人稀書不到兵在見何由 杜憶弟 頌椒添諷詠禁火上歡

娛 杜風撼鶴鳴枝波寒鴻鴈影 山谷 比年病酒聞消滴弟勸兄

酬何怨 杜 卿家兄弟功名震麒麟閣畫鴻鴈行 杜 君家兄弟

真連璧 坡

古今事實

謨蓋不怨

父母使舜完廩指階瞽瞍焚廩使浚井出從而揜之象曰謨蓋  
都君咸我績牛羊父母倉廩父母干戈朕琴朕弑朕二嫂使治  
朕棲象往入舜宮舜在牀象象曰釐陶思君爾忸怩舜曰惟茲  
事文頌聚後集 卷之八 七

臣庶爾其守治

流言必誅

武王既喪管叔及其群弟乃流言于國曰公將不利于孺子周公乃告曰公曰我之弗辟我無以告我先王周公居東二年則罪人斯得善乎龐公之言比之周公管蔡若處茅屋之內宜無放殺之酷南史劉義真傳

文身遜弟

吳泰伯弟仲雍皆周太王之子王季歷之兄也季歷賢而有聖子昌太王欲立季歷以及昌於是泰伯仲雍奔荆蠻文身斷髮示不可用以避季歷荆蠻義之

兄弟相遜

伯夷叔齊孤竹君之二子父欲立叔齊及父卒伯夷遜叔齊伯夷曰父命也遂逃去叔齊亦逃國人立其中子

有弟不勸

初鄭武公娶於申曰武姜莊公寤生驚姜氏遂惡之愛共叔段欲立之請京使居之謂之京城太叔太叔完聚繕甲兵具卒乘將襲之京叛太叔段入於鄆公伐諸鄆太叔出奔共公曰寡人有弟不能和協而使糊其口於四方

貴介弟

伯州犁曰王子圍寡君之貴介弟也

四海兄弟

君子敬而無失與人恭而有禮四海之內皆兄弟也

事文類聚後集

卷之八

三

德壽堂



以勇諾聞

漢季心以勇季布以諾聞關中

尺布之誦

漢文帝時淮南厲王長犯不軌徙於蜀不食而死民作歌曰一尺布尚可縫一斗粟尚可舂兄弟二人不相容

田宅與弟

上式以田商為事有少弟弟壯式脫身出獨取畜羊百餘田宅盡與弟式入山牧十餘年羊致千餘頭買田宅而弟盡破其產復與弟者數矣 王商為侯推財與弟身無所受

四人共被

後漢姜肱兄弟四人居貧作一布被而共之兄弟皆以孝行著

難兄難弟

陳紀元方子長文郎陳群弟譔季方子孝先郎陳思各論其父功德爭之不決諮於太丘陳寔其祖也曰元方難為兄季方難為弟世說王珉小名僧彌少有才藝名出珣右時人語曰法護非不佳僧彌難為兄耳

兄不識弟

夏馥以聲名為中官所忌遂被誣階詔下州郡捕為黨魁馥乃自剪髮變形為治家傭親突烟炭容貌毀瘁弟靜於涅陽市遇馥不能識聞其言聲乃覺而拜之

荀氏八龍

荀爽兄弟八人穎川語曰荀氏八龍慈明無雙 荀靖字叔慈少有俊才靖弟爽亦以才顯於時或問汝南許章曰爽與靖孰

事類彙編卷之四  
賢章曰慈明外朗叔慈內潤

三虎二龍

賈彪兄弟三人號賈氏三虎晉許劭兄虔亦知名號為二龍

馬氏白眉

馬良兄弟五人並有才名里諺曰馬氏五常白眉最良

遇賊爭死

姜肱遇盜更相爭死遂兩釋焉既至郡中終不言盜盜聞而感悔後乃就精廬求見徵君謝罪 趙孝弟禮為賊所得將食之孝自縛請賊曰禮瘦不如孝肥賊曉其意俱舍之

弟譽其兄

何文辟大將軍王敦掾轉主簿敦兄含時為廬江郡倉穰狼籍

敦嘗於座中稱曰家兄在郡定佳廬江人士咸稱之克即廬江人曰所聞異於此敦默然傍人皆為之不安由是忤敦左遷

弟排其兄

許靖宋文休汝南人少與從弟劭俱知名而私情不協劭為郡功曹排擯靖不得齒叙馬磨自給

雙壁

陸暉與弟恭之並有時譽洛陽令見之曰僕以年老更覩雙壁

蜂腰

周弘正幼孤及弟弘讓弘直俱為伯父捨所養弘正醜而不陋言而能談諱諧似復剛腸似直善玄理為當世所宗自稱有才無貌弘直方雅氣調高於次昆或問二周孰賢人曰若蜂腰矣

腰鼓

沈仲仕齊為御史中丞與兄淡弟深名譽有優劣世號為腰鼓

號龍虎狗

諸葛瑾與弟亮及從弟誕並有盛名各在一國時以為蜀得其龍吳得其虎魏得其狗

龍駒鳳雛

陸雲六歲能屬文與兄機齊名雖文章不及機而持論過之號二陸幼時吳尚書閔鴻見而奇之曰此兒若非龍駒當是鳳雛

封胡羯末

謝氏尤彥秀者稱封胡羯末封謂韶胡謂朗羯謂玄末謂川皆其小字韶朗川皆早卒惟玄以功名終

為兄報仇

索靖子琳字臣秀舉秀才除郎中嘗報兄之仇手殺二十七人時人莫不壯之

伯仁火攻

周顓字伯仁友愛過人弟嵩飲醉瞑目而謂伯仁曰君才不如弟而暴得重名須臾舉蠟火擲伯仁伯仁笑曰阿奴火攻固出下策耳

因兄被誅

周覲被害王敦使人弔焉弟嵩曰亡兄天下有義人為天下無義人所殺復何所弔敦甚銜之因事誅嵩嵩事佛臨刑猶誦經兄願代死

王徽之與獻之俱病術人曰應終有生人樂代則死者可生徽之曰吾才不如弟請代術人曰凡代死者必已年有餘今君與弟俱盡何可代獻之卒徽之奔喪不哭直上靈牀坐取獻之琴彈之久而不調曰嗚呼人琴俱亡因頓絕月餘亦卒

少者佳

王獻之字子敬嘗與兄徽之操之誦謝安一兄多言俗事獻之寒暄而已客問王氏優劣安曰少者佳客問其故安曰吉人之詞寡以其少言故知之

兄疫不去

晉咸寧中大疫庾亮一兄俱亡次兄毗復危殆瀉氣方熾父母諸弟皆出次于外袞獨留不去諸父兄強之乃曰袞性不畏病

遂親自扶持晝夜不眠每撫棺哀臨極痛楚如是者十有餘旬疫氣既歇家人乃返毗病得瘥袞亦無恙

如左右手

邵續諫成都王穎討長沙王乂曰兄弟如左右手

戲知優劣

王曇首與兄弟會集子孫任其戲適僧達跳下地作彪子僧虔累斗博基既不遂落亦不重作僧綽採蠟珠為鳳凰僧達奪取打壞亦不復惜

及娶求分

繆彤兄弟四人同財及各娶兄弟求分異彤乃掩戶自掘曰學聖人法奈何不能正家諸婦聞之叩頭謝過更為敦睦之門

狀貌相似見相貌門

紫荆枯死

京兆人田真兄弟三人共分財各居堂前有一株紫荆華其茂  
共議破為二得明截之忽其夕樹即枯死真見之驚謂諸弟曰  
木同株當分析便憔悴况人兄弟孔懷而可離是人不如樹木  
也兄弟相感而更合續齊諧記

諭勿爭財

蘇瓊除南清河太守有百姓乙普明兄弟爭田積年不決各相  
援據乃至百人瓊召普明兄弟諭之曰天下難得者兄弟易得  
者田地假令得田地失兄弟心如何因而下淚諸誣人莫不洒  
泣普明兄弟乞外再思竟釋爭而去雖分與十年乃還同住

棠棣碑

賈敦頤為洛州司馬人為刻碑市傍弟敦實又為長史人復為  
立碑其側號棠棣碑

桐木韓家

韓子華兄弟皆為宰相所居第有梧桐京師稱桐木韓家以別  
康公其家呼子華為三相公持國為五相公

兄草弟麻

錢希白惟演從兄也惟演拜相希白當制世稱弟拜相兄草  
麻自舌未有惟座主拜相門生草麻前代記之矣金坡遺事

弟草兄制

韓子華自鄂州再入相持國在翰苑遂當制繪紳榮之元豐官

韓子華自鄂州再入相持國在翰苑遂當制繪紳榮之元豐官

制行曲阜之除天官商豐為西掖行詞元豐末魯公拜相曲阜以學士草制對便殿以親嫌辭上云禁中檢見韓維故事乃批旨云兄弟迭居詞禁允行弟辭草允制是日以天寧節前二日密院罷散齋筵晉公押筵曲阜居席面會撤宣召鎖院魯公大拜榮耀又非韓公之比

事兄如父

司馬溫公光與其兄伯康年將八十奉之如嚴父孫之如嬰兒每食少頃則問曰得無饑乎天少冷則拊其背曰衣得無薄乎

范太史集

同貴而壽

韓獻肅公絳兄弟天性友愛自忠憲公為兩府大臣至公兄弟

同時為宰相近輔皆三人又皆眉壽公將歸許而兩弟時皆七十同時請老朝廷未許其為樂盛前古未有

行狀

耶君呼弟

蘇子由已卯生東坡嘗呼之曰耶君而不斥其名

二龍出守

以下係兄弟俱貴

梁簡文帝錢臨海太守劉孝儀蜀郡太守劉孝勝詩曰兩杜荏夾河一龍今出守

大馮小馮

馮立與兄野王相代為西河上郡太守民歌之曰大馮君小馮君兄弟繼踵相因循聰明賢智更吏民政如魯衛德化鈞周公康叔猶二君

並居兩省

劉禘之為左史，懿之時為給事中，兄弟並居兩省，時論美之。

同時榮達

陳堯叟堯佐俱拜平章，堯咨以儒臣換節度使，同時貴顯。孫何孫係孫僅皆以進士冠天下。宋庠宋郊號二宋，詳見宋元門

同榜擢第

張楚金年十七，與兄越石同舉進士。李靖時在中書，曰：國家貢舉本求才行，何嫌雙舉？遂俱進士擢第。

兩家兄弟同

溫大雅在隋，與顏思魯俱在東宮，弟彥博與思魯弟啟楚同直內史省，弟彥博與啟楚弟遊秦同典校秘書，一家兄弟各為一

時之選少時，學業頗異，為優，其後職位溫氏為盛。

自相交承

京國李愬自鳳翔隴右節度代，其兄愿為武寧軍節度使，兄弟交換，徐岐兩鎮。

同為幕官

西川杜慆辟楊取節度判官，弟嚴觀察判官，兄弟同幕時，人榮之，未幾同入為御史。

念從弟語，以下係從中兒免。

馬援南擊交趾，曰：吾從弟少游常哀吾慷慨，多志曰：七生一世，但取衣食，裁足致末，贏餘但自苦耳。當吾在浪泊西車間，下潦上霧，毒氣薰蒸，仰視飛鸞，跼蹐墮水中，臥念少游平生語，何

事文類聚後集

卷之八

吳郡陸氏

可得也

私第以官

王衍雖居宰輔之重不以經國為念而思自全之計乃以弟澄為荊州族弟敦為青州因相謂曰荊州有江漢之固青州有負海之險卿二人在外而吾留此足以為三窟矣識者鄙之

二從同居

牛敬則與二從昆弟居四十餘年貲產無異

三鳳

薛收與從兄弟元欽及族兄德音齊名世稱河東三鳳

兄事子產

以下係義兄弟

孔子過鄭與子產如兄弟孔子兄事子產

兄事趙禹

漢張湯趙禹共定律令務在深文禹至少府湯為廷尉交歡兄事禹

恩若兄弟

關羽張飛為別部司馬先主與二人寢則同牀恩若兄弟稱人廣坐立侍終日

兄事同庚

孫權母謂權曰公瑾伯符同年小一月耳我視之如子女可兄事之

古今文集

雜著

事文類聚後集



送韓豐詩後序

柳宗元

春秋時晉有叔向者垂聲邁烈顯白當世而其兄銅鞮伯華匿  
德藏光退居保和士大夫其不與叔向游者罕知伯華矣然仲  
尼稱叔向曰遺直內義又稱伯華曰多聞內植進退兩尊榮於  
策書故羊舌氏之美至于今不廢宗元常與韓安平于上京追  
用古道交於今世以是知吾兄矣

豐之季弟泰與余善

書寄祝有道

黃魯直

柳開為叔母穆夫人墓誌其間書月且望叔母拜堂下即上手  
低面聽奉我皇考告戒之曰人家兄弟無不義者盡因娶婦入  
門異姓相聚爭長競短漸漬自聞偏愛私藏以至背戾分門割  
戶患若賊讎皆婦人所作男子有剛腸者幾人能不為婦人言

所惑吾見多矣若等寧是耶退則惴惴閉息恐然如有大誅責  
至死不敢道一語為不孝事開輩賴之得全其家也 朱文公作  
外祖遺事按此

古詩

示全真元胤

韋應物

余解郡符去爾為外事牽寧知風雨夜復此對床眠始話南池  
飲更詠西樓篇無將一食夢歲月坐推遷

上留田

李白

行至上留田孤墳何崢嶸積此萬古恨春草不復生悲風四邊  
來腸斷白楊聲借問誰家地埋沒蒿里塋故老為余言言是上  
留田遂科馬鬣今已平昔之翁死兄不葬他人此舉銘旌一鳥死

百鳥鳴一獸走百獸驚恒山之禽別離苦欲去廻翔不能征田  
氏倉卒骨肉分青夫白白摧紫荆交柯之木本同形東枝惟悴  
西枝榮無心之物尚如此參商胡乃尋天兵孤介延陵讓國揚  
名高風緬邈頽波激清尺布之誥塞耳不能聽

贈秦少儀

黃魯直

汝南許文休馬磨自衣食但聞郡功曹病世名籍籍渠命有顯  
晦非人作通塞秦氏多英俊少游眉最白頗聞鴻鴈行筆皆萬  
人敵吾早知有觀而不知有觀小儀袖詩來剖蚌珠的皪乃能  
持一鏃與我箭鋒直自吾得此詩三日即向壁挽士不能寸推  
去輒歎人才難不其然有亦未易識

律詩

遠懷舍弟穎觀等

杜甫

陽翟空知處前南近得書積年仍遠別多難不安居江漢春風  
起冰霜昨夜除雲天猶錯莫花萼尚蕭疎對酒都疑夢吟詩正  
憶渠舊時元日會卿黨羨吾廬

轍幼從子瞻兄讀書未嘗一日相舍既壯官遊四方  
讀書蘓州詩有那知風雨夜復此對床眠惻然感之  
乃相約蚤退為閑居之樂故子瞻始為鳳翔幕官留  
詩與轍曰夜雨何時聽蕭瑟鄭州馬上作其後子瞻

通守餘杭復移守膠西而轍留滯於睢陽濟南不見  
者七年熙寧十年二月始復會於澶濮之間相從赴  
彭城留百餘日宿於逍遙堂追感前約作二小詩云

蘇子由

逍遙堂後千尋木長送中宵風雨聲  
悵喜對床尋舊約不知漂泊在彭城

又

秋來東閣涼如水客去山公醉似泥  
困憊北窓呼不醒風吹松背兩婆娑

子由將赴南都與余會宿於逍遙堂作兩絕句讀之  
殆不可為懷因和其詩以自解余觀子由自少曠達  
天資近道又得至人養生長年之訣而余亦竊聞其  
一二以為今者官遊相別之日淺而異時退休相從  
之日長既以自解且以慰子由

蘇子瞻

別期漸近不堪聞風雨蕭蕭已斷魂  
猶勝相逢不相識形容變盡語音存

又

但冷朱雀長金花此別還同一轉車  
五百年間誰復在會看銅狄兩吞嗟

寄子京

宋公序

八年三郡駕朱輪更忝鴻樞對秉均  
老去師舟多忘事小之燭武不如人  
車中顧馬空能教海上逢鷗想見親  
唯有弟兄歸隱志共將耕鑿報堯仁

詩話

黃豆燃箕

魏文帝詩東阿王七步中作詩不成者應大法應聲曰煮豆燃  
豆箕豆在釜中泣本是同根生相煎何太急

不肯奪嫡

曹植以蓋代之才它人猶愛之况於父乎使其稍加智巧奪嫡  
猶及掌耳植素無此念深自斂退雖丁儀等坐誅辭不連植黃  
初之世數有貶削方且責躬上表求自試兄不見察而不敢廢  
恭順之義卒以此以自全可謂仁且智矣文中子曰至哉思王  
以天下讓真篤論也 後村

終不怨兄

曹植贈白馬王彪云丈夫志四海萬里猶比鄰恩愛苟不虧在  
遠分日親何必同袞纈然後展殷勤憂思成疾疢無乃兒女仁

倉卒骨肉情能不懷昔年未云離別永無會執手將何時王其  
愛玉體俱享黃髮期於時諸王稟稟不自保子建此詩憂傷慷  
慨有不可勝言之悲詩中所謂蒼蠅間白黑讒巧冷親疎蓋為  
灌均輩發終無怨兄之意處人倫之變者當以為法 後村

夢弟得詩

謝惠連幼有奇才族兄靈運每有篇章對惠連輒有佳句靈運  
作春詩未就夢見惠連覺而得池塘生春草之句自以為有神  
助云

# 嫂叔

姊姒 小姑並附

群書要語嫂者尊嚴之稱 儀禮 嫂叔不通問 曲禮 嫂叔之無服

事文類聚後集

蓋推而遠之也。嫂不撫叔，叔不撫嫂。雜記嫂溺不援，是豺狼也。孟子西方謂土壙為丘嫂，丘空也。兄亡獨有嫂也，或云丘大也。長嫂稱也。顏師古云：史記丘字作巨，皆大也。漢書注

姊妹長婦謂稚婦為娣婦，娣婦謂長婦為妯娌。今或云妯娌。爾雅

介婦請于冢婦。內則世皆疑娣妯之名皆以兄妻呼弟婦為

娣，弟妻呼兄妻為妯。公羊傳曰：娣者何？弟也。是以其弟解娣，自

然以長解妯，長謂身之年長，非夫之年長也。左傳成十年：穆

姜謂聲伯之母為妯，昭八年：叔向之嫂謂叔向之妻為妯。二者

皆呼夫弟之妻為妯，豈計夫之長幼乎？女子同出謂先生為妯，

後生為娣。鄭云：同出謂俱嫁事一夫也。事一夫者，以已先生為

妯，後生為娣，則知娣妯以已之年，非夫之年也。爾雅

古今事實

嫂不為炊

蘇秦初出遊，頗頹而歸，妻不下機，嫂不為炊。及為從約長，并相佩六國印，歸，兄弟妻嫂，側目不敢視。秦笑曰：何前倨而後恭也？嫂謝曰：見季子位高金多也。

嫂轉金羹

漢高祖微時，嘗與賓客過其丘嫂，食嫂厭叔，伴為羹，盡轉音金客已去，而視釜中有羹，由是怨嫂。及立，獨不封其子，太上皇為言，高祖曰：非敢忘也，為其母不長者，封其子為羹頡侯。

為嫂所嫉

陳平與兄伯居，伯嘗縱平游學，人或謂平何食而肥，其嫂嫉平。

不親家產曰食糠覈耳在卷中不破者有叔如此不如無伯聞之遂棄其婦人或讒平居家時盜其嫂

不辭盜嫂

直不疑為郎朝廷毀不疑曰狀貌雖美善盜其嫂不疑曰我無兄終不自明

奉嫂致茶

馬援奉嫂不冠不入廬

以小郎囑新婦

王行妻郭性貪鄙欲冷婢路上擔糞弟澄年十四諫郭以為不可郭大怒謂澄曰昔夫人臨終以小郎囑新婦不以新婦囑小郎因捉其衣裾將撻之澄爭得脫

為小郎解圍

謝道韞為王凝之妻凝之弟猷之嘗與賓客談議詞理避屈道韞遣婢白猷之欲為小郎解圍乃施青綾步障自蔽申猷之前議客不能屈列女

新婦配參軍

王渾妻鍾氏字琰生子濟渾嘗共琰坐濟趨庭而過渾欣然曰生子如此足慰人心琰曰若新婦得配參軍為渾弟倫也生子固不趣如此耳

喜群從兄弟

謝道韞奔之女適王凝之甚不樂曰一門叔父則有阿大中郎群從兄弟則有封胡羯末不意天壤之間乃有王郎

嫂撫幼叔

謝朗父掾早卒朗總角時病新起體羸未堪勞於叔父安前與  
汝門支道講論遂至相苦嫂王氏再遣信令還安留使竟論上  
氏因出云新婦少遭艱難一生所寄唯在此兒因流涕携朗

見嫂與別

阮籍嫂嘗還家籍見嫂與之別或譏之籍曰禮豈為我輩設耶

誤認伯諧見狀貌門

叔射殺牛

隋吏部尚書牛弘弟弼好酒而酗常醉射殺弘駕車牛弘還宅  
其妻迎謂弘曰叔射殺牛弘聞無所怪問直答曰作脯坐定其  
妻又曰叔射殺牛大是異事弘曰已知顏色自若讀書不輟

娣姒禮法

以下係娣姒

王渾妻鍾氏字琰弟湛妻郝氏皆有德行琰雖門高與郝氏相  
親重郝不以賤下琰琰不以貴陵郝時人稱鍾夫人之禮郝未  
人之法

讓姒管鑰

李光進弟光顏先娶而母委以家事及光進娶母已亡弟婦籍  
貲貯納管鑰於姒光進命及之曰姒逮事姑且嘗命主家事不  
可改因相持泣乃如初

古今文集

雜著

祭嫂鄭夫人文

韓愈

愈謹於逆旅備時羞之奠再拜頓首敢昭祭于六嫂榮陽鄭氏  
夫人之靈嗚呼天禍我家降集百殃我生不辰三歲而孤蒙幼  
未知鞠我者兄在死而生實雖嫂恩未盡一年兄官王官提携  
負任去洛居秦念寒而衣念飢而食疾疹水火無災及身劬勞  
閔閔保此愚庸年方及紀荐及凶咤兄罹謫由承命南遷窮荒  
海隅天閱百有年萬里故鄉幼孤在前相顧不歸泣血號天微嫂  
之力化為夷蠻水浮陸走丹旌翩然至誠感神返筮中原既幸  
反葬遭時艱難百口僭行避地江濱春秋霜露薦敬洋繁以享  
韓氏之祖考曰此韓氏之門視余猶子誨化詩詩爰來京師年  
在成人屢貢于王名迺有聞念茲鈍頑非訓曷因感傷懷歸殯  
滄熏心苟容躁進不顧其躬祿仕而還以為家榮奔走乞假東

西北南孰云此來乃睹靈車有志弗及長負殷勤嗚呼哀哉昔  
在韶州之行受命于兄兄曰爾幼養于嫂喪服必以慕今其敢  
忘天實臨之嗚呼哀哉日月有時歸合塋封終夫有辭絕而復

蘇

雜著 係小姑

小姑小郎

王建新嫁娘詩云三日入厨裏洗手作羹湯未諳姑食性先遣  
小姑嘗張文潛寄衣曲云別來不見身長短試比小郎衣更長  
二詩當以建為勝文潛詩與晉人叅軍新婦之語俱有病 后村  
詩比小姑

古樂府新婦初來時小姑始扶床今日被驅遣小姑如我長

事文類聚後集

卷之八

一七

蘇



頭語小姑勿嫁似兒夫 全篇見世妻門之棄婦詞 庶幾哀而不怨矣 后村

新編古今事文類聚後集卷之八 終

新編古今事文類聚後集卷之九

建安 祝穆 和父 編  
建業 唐富春 子和 梓

人倫部

閔閔子弟

世率 不克紹 並附 餘見有子及不肖子門

群書要語 諸侯世子世國 象賢也 王制 王孫 漢書 貴介公子

朝廷顯官須公卿子弟為之何者少習其業日熟朝廷事  
臺閣之儀不教而自成寒士縱有出人之材固不能聞習也 選  
舉志李德裕云 始好靜秀瑤瓊瑤蘭茁其芽 韓文 蘭砌傳芳

鯉庭稟訓 臨川集

事文類聚後集

卷之九

一

集

詩句家襲，平身業文，素風清白，至今貧。劉禹錫 一家何啻十

朱輪，諸父雙飛，秉大鈞。劉禹錫贈李夷赴選 東山子弟家風在

坡 閨庭蘭玉照鄉閭

不克紹世祿之家，鮮克由禮。書 貴游子弟未免襁褓而加青紫

之秩，總勝衣冠而居寵榮之位。抱朴子

古今事實

佳公子

平原君翩翩濁世之佳公子也

戒其劔子

後漢劉祐為郡主簿，郡將小子出錢令市果實，祐悉買筆書具與之，曰：郡將郎君年可入學，而但傲浪，遠近謂明府無過庭之

教郡將從其言，使就祐學，遂成儒業

父任入官

汲黯以父任，孝景時為太子洗馬，表益以兄任為郎

不好綺繡

班伯詔受學於金華殿中，數年，金華之業絕出，與王許子弟為群，在綺繡統務之間，非其好也。前漢班氏叙傳

訪康成後

魏室旌賢，特訪康成之後。晏公類要

謝庭蘭玉

佩紫香囊。並見姪門

衣刺文袴

謝尚好友刺文務諸父責之因而自改

襖祿清官

李義甫諸子雖襖祿皆補清官本傳

授六品官

沈義倫盧多遜為相其子起家即授水部員外郎後遂為令當  
今之朝奉郎是也呂文穆為相當任子奏曰臣忝甲科及第釋  
褐止受六品京官况天下才能老於巖穴不能露寸祿者多矣  
今臣男始離襖祿膺此寵命恐懼謹責乞以臣釋褐時所授官  
補之自是止授六品京官因為定制以至今日揮塵錄

棄科舉學

呂希哲字原明少好學王安石謂之曰士未官而專科舉者為

貪物有官矣而復事科舉是僥倖富貴利達而已學者不由也  
希哲遂棄科舉一意古學

不與寒士爭進

王文正公且以儉約率勵子弟使在富貴不知為驕侈兄子睦  
欲舉進士公曰吾嘗以太盛為懼其可復與寒士爭進至其薨  
也子素猶未官遺表不求恩澤神道碑

孔庭傳授以下係世學

孔子之子伯魚適庭學詩禮孔子之孫子思述所聞作中庸  
代作宗師

伏氏自東西京相襲為名儒以取爵位中興而桓氏尤盛自榮  
至典世宗其道父子兄弟代作宗師

王氏青箱

王悅之字少明。父納之有青箱世。謂之王氏青箱家。世練昆朝儀。並讀江左舊事。

自尊其祖

王通曰。甚矣王道難行也。吾家頃銅川六世矣。未嘗得宜其用。退而咸有迹焉。蓋先生生宋朝之述曰。時變論。江州府君之述曰。五經決錄。晉陽穆公之述曰。政大論。同州府君之述曰。政小論。安康獻公之述曰。皇極讜議。銅川府君之述曰。興衰要論。余小子獲親成訓。勤九載矣。

福時編中說

王通講道河汾。著書說其弟凝繕錄。召諸子而謂之曰。先兄之

繼言也。孺子奉之。毋使失墜。福時編為十卷。于以觀先君之事業。明道垂訓。傳子孫以為素業。其孫勳勃皆有文名。家事雜錄

三蘇父子

蘇洵嘉祐間與其子軾輒至京師。歐陽脩得洵書二十篇。大愛其文詞。謂賈誼劉向不能過也。遂以其書獻諸朝。其二子同舉進士。又同登制科。一旦父子隱然名動京師。而蘇氏文章乃擅天下。

范氏唐鑑

范蜀公鎮之孫祖禹著唐鑑

邵氏聞見

邵康節雍之子伯溫作聞見錄

膏粱之性 以下係不克紹

樂伯請公族大夫公曰夫膏粱之性難止也 賈逵曰膏肉之肥者梁食之精者言享肥美者率驕放其性難止也 左

降在皂隸

叔向曰樂卻晉原狐續慶伯降在皂隸 **注**八姓舊臣之族皂隸晉臣也 左 漢功臣苗裔或絕或之生為愍隸死為轉屍 功臣表

不辨菽麥 見不肖子門

不肖敗家

唐李勣謂其弟弼曰我見房玄齡杜如晦辛苦立門戶恐為不肖子敗之我今以子孫仗汝可慎察有不屬言行交非其類悉榜殺之毋令後人笑我猶笑房杜也

覆試曳白

唐苗晉卿知選以張顛為第一 真中丞倚之子本無學術議者置然文宗覆實顛持紙終日筆不得下人謂之曳白晉卿坐貶

販鹽與松楨 見婚姻門

積財必破

唐盧坦為河南尉時杜黃裳為尹召坦曰其家子與惡人遊破產盡察之坦曰凡居官廉雖大臣無厚畜其能積財者必剝下以致之如子孫善守是天富不道之家不若恣其不道以歸於人黃裳驚服其言

彈絲美竹

太祖曰資蔭子弟但能在家彈琵琶美絲竹而已豈能治民于

息不許親民石介聖政錄

古今文集

雜著

奏宰執子弟曲恩

朱勝非

祖宗舊制宰執子弟例不堂除只於銓郊注擬罷政不以罪則  
 推恩遷補蓋一府號表則之地不阿其親當以身率之也趙普  
 子弟皆作武官普再作相長子授莊宅使元祐中范純仁再入  
 相子平正博學能文行義甚高未嘗出官竟死選調紹聖中章  
 厚作相九年子援及持皆高科有學問士論推許並為州縣幕  
 職監當官惟是仁宗以來夏竦子安期累作選帥授待制直學  
 士熙寧間王安石由經史秉政薦其子雱為崇政殿說書除待

制後因三經義成選直學士方巖不受然安期猶有才幹雱猶  
 有學問至蔡京拜相不數年子六人孫四人為執政從官有謝  
 表云奉觴在庭子孫並列張蓋歸第父子同途宰相鄭居中二  
 子脩年億年劉正夫二子卓民阜民余深二子日革元清王黼  
 一子閱享白時中一子彥暉執政蔡卞一子仍鄧洵仁一子襄  
 鄧洵武一子雍並以曲恩倖例列於從班而阜民襄閱享九儒  
 弱或始十餘歲宣和末諫官李會抗疏論列以為尚從竹馬之  
 遊已造荷囊之列時以為名言

奏官銜去左右字

趙善俊

臣切見元祐間范純仁當國一時科舉取人多得豪傑之士范  
 純仁病夫公卿家子弟或不知書言於朝乃於有無出身人銜

位上帶左右字以分優劣純仁之意非有他也蓋欲公卿子弟知向學故為是以獎勸焉然不知國家用才應舉覓官乃寒士竊此進身耳其與門蔭未可以優劣判若以左右二字區別則門蔭子弟為善者或怠官不知所以自勉自重欲望陛下除左右二字則士大夫自勵自勸相與激發以自致功名奉聖旨依

遂初堂記

黃直卿名幹

始予識劉君正之於屏山正之年方十六七予意其貴顯已三世綺襦之習聲色之樂軒冕之味必有以動其心成其質者已觀其貌聽其言察其行則褒衣博帶墊巾芒屨不見其瑤環瑜珥也左圖右史吟風詠月不見其粉白黛綠也高談抗論動與

世忤不見其脂韋嫵媚與波上下也予退而歎曰富貴人所欲也彼豈異於人哉所謂居移氣養移體者果足信也哉抑其年少氣銳久而遂變也哉自是以來與之交日熟情日親即其新以考其舊蓋有甚焉無不及也其後予以禍患摧折退居故鄉而正之方馳騁東西為諸侯客蓋不見者十有餘年既而聞其以憤世嫉邪斥辱權要罷歸田里其先公之賓客有顯國秉者其先太夫人之親族有屬中官者宦遊之交好有為天子之耳目者宜若可以目白且彈冠矣親故愛正之者亦率以是勉之而正之偃然而不應日與親朋彈琴賦詩蒔花植竹蕭然若將終身焉予又退而嘆曰是其天資之美不以外物累其中者是真能不負其初心者也此古之有道者之所難而風雨之詩

所為作也。癸亥之秋，予復訪正之于屏山。正之與予言曰：予少時嘗以遂初名其所居之室。晦菴朱先生嘗為余書之。子能為我記之乎？予曰：若先生者，固望子以遂其初。予固有以知子之果能遂其初也。富貴之毒人也，甚於鴆。惟其嗜之美也，而其毒愈深。螂蛆其帶，鴟鴞嗜鼠。彼豈知其為臭腐哉？墻間之餘嗟來之食，蓋有妻妾之所不屑者。而大丈夫不顧廉耻，而昌求之。今子生於公相之家，狃於富貴之樂，而能遺外聲利，不改其度。如此，是豈不甚可敬哉？雖然，子之初亦既遂矣。吾請卒言其所謂初者。子其為我聽之。天地之初，大極是也。人物之初，性善是也。聖賢之初，赤子之心是也。斯其能遂吾之所謂初者乎？子能遂之，則子之家之初，忠烈如延康，勲業如少傅，道德如屏山，僅前

人之美，發揮而光大之，如忠蕭者，子皆有以遂之矣。正之曰：某不敏，敢不敬蚤夜以承子之教。因書其本末，以為遂初堂記。

古詩

詠史

爵上澗底松，離七山上苗。以彼徑寸莖，蔭此百尺條。世曾躡高位，英雄沉下僚。地勢使之然，出來非一朝。金張藉舊業，七葉墮漢貂。馮唐豈不獯，白首不見招。雜著以千，係不克紹。

子弟不學

人生在世，會當有業。農民則計量耕稼，商賈則討論貨賄，工巧則致精器用，技藝則沉思法術。武夫則慣習弓馬，文士則講議



經書多見士大夫耻涉農商蓋務工技射既不能穿札筆則終  
記姓名飽食醉酒忽忽無事以此銷日以此終年或因家世餘  
緒得一階半級便自為足全志脩學及有吉凶大事議論得失  
蒙然張口如坐雲霧八公私宴集談古賦詩基默低頭欠伸而已  
有識旁觀代其入地何惜數筆勤學長受一生愧辱哉梁朝全  
盛之時貴游子弟多無學術至於諺云上車不落則著作體中  
何如則祕書無不熏衣剃面傅粉施朱駕長簷車跟高齒屐坐  
基子方褥憑班絲隱囊列器玩於左右從容出入望若神仙明  
經求第則餽入答策三九公譙則假手賦詩當爾之時亦快士  
也及亂離之後朝市遷革銓衡選舉非復曩者之親當路秉權  
不見昔時之黨求諸身而無所得施之世而無所用披褐而衣

珠失皮而露質兀若枯木泊若窮流鹿獨戎馬之間轉死溝壑  
之際當爾之時誠駑材也有學藝者觸地而安自荒亂以來諸  
見俘虜雖百世小人知讀論語孝經者尚為人師千載冠冕  
不曉書記者莫不耕田養馬以此觀之汝可不自勉耶若能常  
保數百卷書千載不為小人也况父兄不可常依鄉國不可常  
保一旦沈離無人庇蔭自求諸身耳諺曰積財千萬不如薄  
伎在身伎之易習而可貴者無過讀書也 顏氏家訓

古詩

悲哉行

白居易

悲哉為儒者力學不知疲讀書眼欲暗秉筆手生胝十上方一  
第成名良苦遲縱有官達者兩鬢已成絲可憐少壯日適在窮

事文類聚後集

卷之九

九

德壽堂

賤時丈夫老且病焉用富貴為沉沉朱門宅中有乳臭兒狀貌如婦人光明膏梁肌手不把書卷身不授戎衣一平襲封爵門承勲戚資春來日日出服御何輕肥朝從傳徒飲暮有娼樓期平封去聲還酒債堆金選蛾眉聲色狗馬外其餘一無知山苗與澗松地勢隨高卑古來無奈何非獨君傷悲

詩話

詩諷貴遊

蜀王建僭位遊龍華禪院召僧貫休口誦近詩時諸王貴戚皆侍坐休欲諷之因誦公子行曰錦表鮮華手擎醴閑行氣象多輕忽稼穡艱難總不知五帝三皇是何物外史

世家

群書要語惟乃祖乃父世篤忠正服勞王家厥有成績紀于太常君牙仕者世祿孟子世濟其美史記畿內諸侯有大功德元子出封畿外則王命次子守其邑若有賢才則世為公卿禮記所謂故國者非謂有喬木之謂也有世臣之謂也孟子庸寵門緒陳子昂公門有公卿門有卿王忱釋時論

詩句金張藉舊業七葉弭漢祚左大冲門闕冠雲霄杜家聲蓋六合同上地甲門闌大元微之世祿金張貴孟浩然君家兄弟直連壁門十朱輪家萬石坡唐朝韓老誇張藉定有雲孫作世家山谷

古今事實

公侯復始

畢方筮社於晉遇屯之比辛廖占之曰吉其必蕃昌公侯之封也公之子孫必復其始注不畢公高之後為魏之子孫眾多本

譏用世卿

尹氏卒尹氏者天子之大夫也其稱尹何貶也譏世卿世卿非禮也注世卿者父死子繼也公卿大夫皆選賢良而用之蓋卿大夫任大職重不當世為其秉政日久恩澤廣大小人居之必奪君之威權公羊

相門有相

田嬰有賤妾子名文乘間問其父嬰曰子之子為何曰為玄孫

玄孫之孫為何曰不能知也君用事相齊至今三年矣齊不加廣而君私家富累萬金門下不見一賢者文聞將門必有將相門必有相今君後宮蹈綺梁而士不得短褐僕妾餘穀肉而士不厭糟糠公家之事日損文切恠之

一門萬石

石奮長子建次甲次乙次慶皆以馴行孝謹官至二千石景帝曰石君及四子皆二千石人臣尊寵舉集其門號奮為萬石君侍中十人

張安世子孫相繼自宣元以來為侍中中常侍者凡十餘人

四世公卿

太丘長陳寔寔子鴻臚紀紀子司空群群子僕射泰四世仕於

漢魏二朝並有重名。而其德漸漸小減。時人語曰：太丘四世公，慙卿卿，慙長博物。

門十朱輪

楊惲家全盛時。一門乘朱輪者十人。

四世五公

後漢汝南袁安為司徒。子敞為司空。孫湯為太尉。湯子逢為司空。逢弟隗為司徒。

袁不及楊

東京楊氏袁氏累世宰相。為漢名族。然袁氏車馬衣服極為侈。儻能守家風為世所貴。不及楊也。率嶠書

累世貴達

鄧氏累世貴寵。凡侯者二十九人。太尉二人。太將軍以下十三人。東京莫盛於此。鄧禹傳

家世掌法

郭躬字仲孫。為廷尉。家世掌法。務在寬平。吳雄字季高。及子訢。孫恭三世為法名家。陳咸孫躬躬子寵。寵子忠。皆典漢刑法。後漢郭文弘子孫七人為廷尉。

三人司隸

鮑宣字子都。與子相孫昱俱為司隸。俱乘驄馬。京師歌曰：鮑氏驄三人。司隸再入公。

三葉侍中

後漢馮魴曹褒父子並三葉侍中。

四世太尉

漢楊震至彪四世太尉德業相繼與袁氏俱為東京名族本傳

青紫充盈

劉向字子驥曰今王氏一姓乘朱輪華蓋者二十三人青紫貂蟬充盈幄內魚鱗左右

三世僕射

晉謝安安子琰琰子琨三世僕射

四世吏部

謝莊莊子朏朏子倫倫子覽覽孫温四世六人為吏部

四世守鄉郡

晉會稽孔愉子安國愉孫靖子山士靈符四世五人為本郡

猶龍猶虎

王僧虔戒子書曰王家門中優者如龍鳳劣者猶虎豹南史

三世益州

晉汝南周訪訪子撫撫子楚三世益州

家有縣譜

南齊傅琰字季珪父僧祐為山陰令及琰又為之山陰東土太縣難為官長僧祐在縣尤明察有獮父子並著奇績江左鮮其疇匹云說者謂傅有治縣譜子孫相傳不以示人

五世吏部

宋何尚之子偃偃子戢戢子昌寓昌寓子敬容五世俱為吏部

三人學士

古今類聚後集 卷之六 十一 德壽堂

貞觀中顏師古相時勤禮三人皆為弘文館學士

四世司空

唐表明遠祖滂為漢司徒自滂至明凡十二世其間位司徒司空者四世本傳

三世制誥

唐李德林至百藥安期三世掌制誥

三為舍人

王從易昆仲三人開元中鳳閣舍人

三世僕射

高士廉遷尚書右僕射三世此官世榮其貴

一門之盛

崔義玄子神基為相弟神慶子琳等皆至太官群從數十人

一榻置笏

崔儼諫議大夫其群從數十人自輿寧里晉謁大明宮冠蓋駟哄相望每歲時宴於家特設一榻以置笏笏猶重積于上琳與弟太子詹事珪及光祿卿瑤具列祭戟當世號曰三戟崔家

三世典選

唐劉珍甫子祥道祥道子齊賢三世典選常挺子待賈待賈

子萬石 陸元方子景融並同典選

一門二相

呂蒙正夷簡一門二相 賈黃中昌朝亦一門二相

一門翰長

呂文靖公蒙正。子公弼。公著。公亮。公瑞。一門俱為翰長。並青瑣集

三世執政

韓魏公子儀。公會孫似夫。曾魯公子孝寬。孫欽道。三世執政。

四世執政

呂許公從父文穆子惠穆。正獻曾孫舜徒。四世執政。

周魯並拜。以下係父子並貴

封魯公以為周公也。周公拜乎前。魯公拜乎後。曰。生以養周公。死以為周公主。公羊

父子軍尉

祁奕辭軍尉。薦其子代之。軍無秕政。國語

父子司徒

繼表美武公也。父子並為周司徒。善於其職。

父子至和

前漢常賢子元成。當一平堂子晏。唐劉祥道子齊賢。樂彦瑞

子思晦。蘇瓌子頌。陸元方子象先。竇德玄子懷貞。李道

唐子元紘。令狐楚子綯。崔鉉子讓能。徐商子彥若。崔

慎由子胤。常仁約承慶嗣。立。鄭珣瑜子暉朗。李吉甫子

德裕。宋呂夷簡子公著。韓琦子忠孝。

避父坐處

杜延年字幼公。周之子也。為御史大夫。延年居父官府。不敢當舊位。坐卧皆易其處。

代父為鄉

漢公孫賀自太僕卿遷丞相其子敬聲代父為太僕卿

父子史官

劉子玄貺父子脩史

同官隔坐

吳亮為尚書令子騰為中書令每朝會詔以御屏風隔其坐

父子中書

王珉父洽承和為中書令至珉復居之時人以為奕世令望

繼二父職

韓弘子公武從弘入朝為右金吾將軍弘出河中弘弟克從宣

武乃曰二父居重鎮我以孺子又當執金吾職乎固辭改右驍

衛大將軍

同日拜命

近世勳將尤貴盛者無如李郭然汾陽西平猶不得父子並為

節度田弘正父子俱擁節旄同日拜命元稹田弘正墓碑

同在禁筵

蘇瓊子頊遷給事中拜中書舍人時瓊同中書門下三品父子

同在禁筵朝廷崇之

門並列戟

德宗正元四年詔以太尉中書令西平郡王李晟長子愿銀青

光祿大夫太子賓客賜勳上柱國與晟門並列戟

同為侍郎

唐崔挹為禮部侍郎子湜遷兵部侍郎父子同為南省副



父子執政

父子秉政。宋初至清康元年。凡十二家。王惠獻化墓參政。子安簡舉正參政。呂文靖夷簡宰相。子惠穆公弼樞密使。正獻公著宰相。石元懿熙載樞密使。子文定中立參政。陳給事恕參政。子恭公執中宰相。韓忠憲億參政。子獻肅絳宰相。維門下侍郎莊敏鎮宰相。范文正仲淹參政。子忠宣純仁參政。純禮尚書右丞。曹武惠彬樞密使。子武穆瑋樞密副使。蔡丞相確子懋尚書左丞。蔡太師京宰相。子攸樞密。曾宣靖公亮子孝寬樞密。王侍郎博文同知樞密院。子思簡疇樞密使。呂文靖之老也。以司徒監脩國史兼釋經潤史使。每有軍國大事。與中書門下樞密院同議。以聞。正獻之老也。復以司

空同平章事。曾令綽之為簽書。宣靖猶康寧。遂就養東府。士林尤以二家為盛事。余度却歸編

祖孫宰相

曾魯公公亮孫欽道

祖孫執政

呂正獻孫舜徒 韓儀公孫似夫 梁莊肅孫才甫 富文忠

孫季中 錢文僖元孫處和 王文獻孫康靖 張師黯孫簡

翼 張章簡孫元量 張榮僖曾孫忠文 蔣穎叔曾孫子禮

兄弟同省 以下係兄弟

温大雅與弟彦博。大有皆知名。薛道衡見之。嘆曰。二人者比肩相林也。高祖兵興。引為大將軍府記室參軍。主文檄。帝受禪。遷

黃門侍郎而彥博亦為中書侍中對管華近帝謂曰我起晉陽為卿一門耳

兄弟宰相

韓康公弟莊敏

兄弟執政

呂鎮南弟正惠 陳文忠弟文惠 任康懿弟安惠 吳正肅

弟正憲 呂惠穆弟正獻 韓獻肅弟莊敏 王文公弟和甫

蔡儋州弟元度 鄧子能弟文簡 洪文惠弟文安 宇文仲

禮弟宗慈

父子兄弟入翰苑

錢文僖公記父子入院一家 李文正員武 兄弟入院三家

二雷可象望之 一李文靖相州 二錢希白師聖當時以為

極盛矣其後父子入院者又四家 錢希白子飛 梁仲素莊

肅 蘇儀甫子容 洪忠宣景伯景巖景廬 兄弟入院者又

九家 二陳文惠康肅 二宋元憲景文 二吳正肅止憲

二韓康公持國 二蘇文忠文定 二曾文昭文肅 一蔡元

長元度 二字文仲理仲通 二洪 見前 然洪氏父子兄弟入

翰苑者四人古今所未有也

叔姪宰相

呂文穆蒙正姪文靖夷簡 詳見叔姪

叔姪執政

胡文恭從子脩簡 林文節從子彥振 史登樞從子文惠

童文憲從孫質夫子厚

我

明興二百年來重熙累洽賢詒奮庸後先濟美未易詳考謹以一二得所考者錄之

父子宰相南克陳一家而已 三代尚書 林文安瀚子康懿

庭楫南太宗伯庭機機子燠 祖孫尚書 薛大司空祥孫南

大司馬遠 孫大司馬原貞孫南太冢宰需 劉大司徒中敷

孫官保機 林文安孫燠 父子尚書 何官保文淵子文肅

喬新 王毅愍文子安簡宗彝 耿清惠九疇子文恪裕 周

莊懿瑄子文端經 倪文僖謙子文毅岳 施南大司寇禮子

大宗伯純 白恭敏圭子文裕鉞 王端毅恕子康僖承裕

侯南大司馬瓚子大司徒觀 許襄敏進子莊靖誥文簡讚官

保論 林文安子康懿大宗伯 王南太冢宰華子新建守仁

吳南大司寇洪子大司寇山 李太司徒瓚子文敏廷相

劉官保璟子大司寇詔 何南太司空詔子大司寇鰲 楊太

冢宰博子大司徒俊民 兄弟尚書 一林 三許 蔣南太

司徒昇弟文定冕 石官保玠弟文介璉 李南太宗伯璣弟

太司馬遂

古今文集

雜著

漢霍光金日磾贊

霍氏以結髮內侍起於階闥之間確然秉志義形於主受禪祿

之託擁昭立宣雖周公阿衡何以加然光不學無術聞於大理  
死財三年宗族誅夷哀哉金日磾夷狄亡國羈虜漢庭而以篤  
敬寤主忠信自著勤功上將傳國後嗣世名忠孝七世內侍何  
其盛也

唐人蕭贊

梁蕭氏興江左實有功在民厥終無大惡以憂微而亡故餘社  
及其後嗣自瑀至暹凡八葉宰相名德相望與唐盛衰世家之  
盛古未有也

宋韓氏父子贊

昔袁安未嘗以職罪鞠入史氏以其仁心足以置平後見韓億  
不悅攬人以小過而君子知其後必大皆盛德事也億有子他

公府而行各有適經適於同維適於正績適於嚴為虛繼其賢  
哉

呂文靖贊

以夷簡為父而公著為子其謀謀事業有大過入者蓋夷簡善  
任智而公著則持正以成天下之務賢於父遠矣昔伊尹相湯  
咸有二德子陟相太戊卒咸又王家子賢以相祖乙漢之元平  
唐之蘇李宋之韓呂氏皆以相業世其家焉虛盛歟

子孫盛名

柳宗元

昔辜孟以詩禮傳楚而郊廟之詩卒正於元成鄭玄以箋注師  
漢而禪代之儀卒集於小同賈誼以經術起而嘉最好學盧植  
以孺學用而諶為祭酒舊史咸以為祭

早稲田大学図書館

011488505620